

NOTA DE PRENSA

TPA y TVG coproducen “El tren que me lleva”, un programa especial pa la nueche de Los Reis.

- Tres l'ésitu de les gales de hermanamientu de los últimos años, Asturias y Galicia celebren xuntes nesta ocasión la nueche de Los Reis.
- El programa va desenvolvese a bordu del tren Trescantábricu, y cuenta col sofitu de la Consejería de Cultura del Principáu d'Asturies.

Gijón/Xixón, 4 de xineru de 2022.

Mañana, miércoles, 5 de xineru, a les 22:30 hores, la Televisión de Galicia (TVG) y la Televisión del Principáu d'Asturies (TPA) van ufiertar simultáneamente “El tren que me lleva”. Un programa especial que se va desenvolver a bordu del Trescantábricu, y que nos averará a sitios máxicos como los cantiles más altos d'Europa, les contornes más xabaces de la mariña, les lleendes de San Andrés de Teixido, o les de los últimos dragones d'Uviéu, places de Cupido, conxuros d'amor, eloxos del horizonte o los cabos asitiaos más al norte, y nel que se van xubir p'acompañanos cola so música artistes como Luz Casal, Marisa Valle Roso o Lucía Pérez.

El presentador gallegu, Arturo Fernández, y la presentadora asturiana, Sonia Fidalgo, van conducir esta travesía en gallegu y asturianu y van competir por afayar qué comunidá autónoma tien la mayor ayalga. Unos investigadores bien especiales, Mariana Expósito dende Galicia y Alberto Rodríguez dende Asturias, van ser los encargaos de presentar les sos candidatures respectives a “Perlla del Cantábricu”.

“El tren que me lleva” pretende amosar la inmensa riqueza natural, gastronómica y cultural del trayectu, percorriendo una de les vías históriques de comunicación ente Asturias y Galicia, el tren de vía estrecha. El viaxe va empezar con una visita a l'antigua estación y Muséu del Ferrocarril de Xixón y va concluyir en Ferrol, el llugar onde nació Andrés do Barro, autor de “O tren”, el cantar que meyor describe'l prestar de viaxar nun ferrocarril esfrutando de la vista y el pasu llixeru del tiempu.

Benvidos, Bienllegaos al tren que nos va llevar a compartir con Galicia'l *prime time* de la víspera de Los Reis, esti 5 de xineru, a les 22:30 hores, en TPA.

